

ORGANI SHQYRTUES I PROKURIMIT

Sipas Nenit 109 të Ligjit nr. 04/L-042 për Prokurimin Publik të Republikës së Kosovës, i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092

Një ankesë kundër: **Kuvendi Komunal Podujevë**

Për Aktivitetin e Prokurimit **615-19-022-5-2-1**

Sa i përket tenderit për **Ndërtimi i Ambulancës në lagjen e dëshmorëve në Ballofc**

ANKESË

1. Identifikimi i ankuesit*

N.P.SH "StarLin"

(Shëno emrin e plotë të kompanisë suaj)

Skenderbeu

(Adresa)

Podujevë

(Vendi)

11000

(Kodi postar)

049-208200

(Numri Telefonit)

(Numri i Faks-it)

Fitim Haliti

Starlin.npsh@gmail.com

(Adresa elektronike)

13.06.2019

(Data e parashtrimt të kërkesës)

N.P.SH.
STARLIN
PODUEVE
(Nënshkrimi dhe vulë)

2. Identifikimi i avokatit

Parashtruesi i kërkesës mund ta parashtroj kërkesën vetëm ose përmes avokatit të tij. Nëse kërkesa parashtrohet përmes avokatit, atëherë duhet bashkangjitur autorizimin e përfaqësimit me PROKURË.

Shëno të dhënat si në vijim:

(Emri i avokatit)

(Adresa e plotë)

(Numri i Telefonit)

(Adresa elektronike)

(Data e parashtrimit të kërkesës)

(Numri i faks-it)

N.P.S.H.
STARLIN
PODULJEVE
(Nënshkrimi dhe vula)

3. Të dhënat mbi aktivitetin e prokurimit

[Shëno një përshkrim të shkurtër lidhur me datën dhe vendin në të cilën është publikuar “Njoftimi për Kontratë” apo “Njoftimi për konkurs të projektimit” dhe, nëse aplikohet “Njoftimi për dhënie të Kontratës”, “Njoftimi për Rezultatet e Konkursit të Projektimit” apo “Njoftimi për anulim të aktivitetit të prokurimit”, nëse aplikohet, afatin e fundit për dorëzimin e tenderit, datën dhe orën e fillimit të procesit për Hapjen e Tenderëve, si dhe kriteri për dhënie të kontratës]:

Njoftimi për Kontratë: 27.03.2019
Afati i fundit për dorëzimin e tenderit: 15.04.2019
Data e hapjes së ofertave: 15.04.2019
Letra Standarde për tenderuesin e pasuksesshëm: 27.05.2019
Kërkesa për rishqyrtim dt:31.05.2019
Vendimi për refuzim të kërkesës për rishqyrtim dt:11.06.2019

4. Procesi i Hapjes së tenderëve, nëse aplikohet

A keni marrë pjesë në procesin e Hapjes së tenderëve? Nëse po, specifikoni shkurtimisht ecurinë e procesit të Hapjes së Tenderëve.

Po

☒

Jo

☐

5. Njoftimi mbi Eliminimin e Tenderuesve, nëse aplikohet

A jeni njoftuar me shkrim lidhur me eliminimin tuaj nga pjesëmarrja e mëtutjeshme në aktivitetin e prokurimit ?

Po

☒

Jo

☐

6. Zgjidhja preliminare e mosmarrëveshjeve

A keni bërë kërkesë për rishqyrtim pranë AK lidhur me arsyet e eliminimit tuaj?

Po

☒

Jo

☐

Bashkangjitur keni kërkesën për rishqyrtim dhe vendimin e AK-së për refuzim të kërkesës për rishqyrtim.

7. Dispozitat e shkelura nga Autoriteti Kontraktues

Specifikoni dispozitën ose dispozitat e LPP-së që supozohet të jenë shkelur nga Autoriteti Kontraktues që nga momenti i publikimit të Njoftimit për Kontratë/Konkurs të Projektimit, dhe nëse aplikohet gjerë në përmbylljen e këtij aktiviteti të prokurimit me publikimin e Njoftimit për Dhënien e Kontratës apo Njoftimit për Rezultatet e Konkursit të Projektimit apo Njoftimit për Anulim.

Neni 1 i LPP-së

Neni 6 i LPP-së

Neni 7 i LPP-së

Neni 59 i LPP-së

Neni 60 i LPP-së

Neni 108-A i LPP-së

Rregullat për paraqitje të kërkesës për rishqyrtim pranë Autoriteteve Kontraktuese, parashtrim të ankesave pranë OSHP dhe vlera e tarifave të ankesave

*** Sipas Nenit 118 të LPP, OSHP-ja do të kthejë tarifën tuaj nëse ankesa aprovohet si e bazuar. OSHP-ja mund të kërkojë një gjobë shtesë deri në 5,000 Euro në rastet kur OSHP-ja konstaton që të gjitha apo cilado nga pretendimet e parashtruara në ankesë kanë qenë të rrejshme ose mashtruese.*

8. Deklaratë detale mbi faktet dhe argumentet

Përshkruani rrethanat faktike që përbëjnë supozimin për shkeljen e dispozitave të LPP-së. Ofroni deklaratë të qartë dhe të detajuar për faktet dhe argumentet të cilat mbështesin secilën bazë të ankesës tuaj.

Të nderuar, autoriteti kontraktues në këtë aktivitet të prokurimit na ka dërguar letrën standarde për tenderues të pasuksesshëm me dt:27.05.2019, dhe ku na ka informuar se kontrata i është dhënë OE "Granit Hyseni B.I" me çmim prej:49,336.12 €.

Ne në hapje të tenderit kemi çmimin më të lirë se OE i rekomanduar për kontratë duke ofruar çmim prej:49,012.51€, ndërsa pastaj jemi njoftuar se kemi çmim më të lartë se OE i rekomanduar për kontratë, dhe nuk e dimë se si ka ndodhur ky ndryshim në çmime. Edhe pse nëse do të kishte ndonjë gabim në përllogaritje të çmimeve, autoriteti kontraktues sipas nenit 59.3 të LPP-së është i obliguar të njoftojë operatorin ekonomik me ndryshimet

e tilla. Ndërsa po ashtu nuk kemi asnjë informatë se është përdorë neni 41.8.9.10 të Rregullave dhe Udhëzuesit Operativ për Prokurim Publik (RRUOPP).

Operatori ekonomik i rekomanduar për kontratë “Granit Hyseni B.I” është i papërgjegjshëm sepse nuk ka plotësuar kërkesën e nenit 9.1&9.2 të FDT-së, në lidhje me kapacitetin teknik dhe profesional, duke mos ofruar asnjë dëshmi që ka në pronësi ndonjë mjet makineri dhe njëkohësisht nuk ka asnjë dëshmi që ka marrëveshje me ndonjë kompani tjetër për shfrytëzimin e pajisjeve.

I njëjti operator ekonomik ka ofruar si dëshmi një librezë për një kamionetë me korpë dy dyer në emër të OE Risamont të regjistruar me dt:15.05.2017, Një librezë për një Kamion me kran dy dyer në emër të NP Risamont të regjistruar me dt:31.01.2018, një librezë për një kamionetë dubelkabinë katër dyer në emër të NP Risamont e regjistruar me dt:06.04.2017, një DUD doganor për eskavator i përdorur me lugë në emër të Elko grup Shpk, pastaj fatura në lidhje me këtë eskavator ku figuron se e ka blerë NP Risamont e dt:16.07.2017, Një marrëveshje për shfrytëzimin e makinerisë ndërmjet NP Risamont dhe personit fizik Ramiz Sadiku për një eskavator, dhe një deklaratë e bërë nga personi Ramiz Sadiku tek noteri në prani të dëshmitarëve se është pronar i një traktori dhe se i kanë humbur dokumentet dhe janë ofruar disa fotografi të ndonjë pajisje.

OE i rekomanduar për kontratë ka ofruar një listë të mjeteve të punës, ndërsa në fund të listës shkruan se këto mjete te pika 1, 2, 3, 4 janë të NP Risamont me të cilin kemi marrëveshje për huazim të mjeteve me qira për projektet e vitit 2019, por i njëjti operator ekonomik, të bashkangjitur me dosje të tenderit nuk ka asnjë marrëveshje me asnjë kompani, e as person fizik.

Pra OE i rekomanduar për kontratë nuk ka asnjë pajisje personale, e nuk ka as pajisje të kontraktuar me qira, e as ndonjë dëshmi tjetër që do plotësonte kërkesën e AK-së.

Përveç që nuk ka asnjë pajisje në pronësi, e as marrëveshje me dikë tjetër, edhe librezat që i ka ofru për disa pajisje, nuk kanë regjistrim valid.

Gjithashtu edhe për menaxherin e projektit, operatori ekonomik i rekomanduar për kontratë nuk ka ofruar dëshmi se ka përvojë pune, dy vite pas diplomimit. Nuk ka asnjë referencë për përvojë pune, madje as në CV e tij nuk shënon qartë se ku dhe sa ka punuar.

Në vendimin e AK-së të dt:11.06.2019 për refuzim të kërkesës për rishqyrtim, AK-ja ka shkruar se refuzohet kërkesa për rishqyrtim sepse nuk e kemi bashkangjitur një kopje të njoftimit për kontratë.

Sa i përket këtij arsytimi, ju sqarojmë se ky është një arsyetim absurd sepse edhe njoftimin për kontratë edhe njoftimin mbi vendimin e tyre final vetë ata e kanë përpiluar dhe janë në dijeni për këto dokumente të cilat nuk ndikojnë absolutisht në proces.

Si arsyetim të **dytë** AK-ja ka shkruar se kërkesa për rishqyrtim nuk është e nënshkruar dhe e vulosur.

Lidhur me këtë arsyetim, ju sqarojmë se ne e kemi përpiluar kërkesën për rishqyrtim, ku janë të gjitha të dhënat e kompanisë tonë, emri i operatorit ekonomik, emri i përfaqësuesit tonë, numri i telefonit, email adresa, vendi, adresa etj.

Këtë kërkesë e kemi bashkangjitur me attachment, dhe e kemi dërguar në adresën zyrtare të zyrës së prokurimit të Komunës së Podujevës.

Kërkesa për rishqyrtim është valide sepse është e përpiluar nga ne, është dërguar nga adresa zyrtare e kompanisë tonë, është e dërguar në adresën zyrtare të prokurimit të Komunës etj. Mirëpo nëse do të kishte ndonjë mangësi kërkesa për rishqyrtim atëherë është obligim i AK-së të kërkojë nga ne, që të plotësojmë dokumente eventuale të munguara apo nëse do të kishte ndonjë dilemë apo paqartësi ka mundur të kërkojë sqarime shitesë nga ne.

Gjithashtu ju sqarojmë se edhe tek neni 108-A i LPP-së, e as te neni 5 i Rregullave për paraqitje të kërkesës për rishqyrtim pranë Autoriteteve Kontraktuese, parashtrim të ankesave pranë OSHP dhe vlera e tarifave të ankesave, nuk shkruan se në formën elektronike duhet të nënshkruhet kërkesa për rishqyrtim

Si arsyetim i **tretë** është përdorur se nuk e kemi dorëzuar kërkesën për rishqyrtim në E prokurim.

Lidhur me këtë arsyetim, ju sqarojmë se në nenin 108-A paragrafi 3 i LPP-së shkruan qartë *“Kërkesa për rishqyrtim duhet të dorëzohet tek autoriteti përkatës kontraktues, me postë ose me çdo mjet tjetër të komunikimit të lejuar me këtë ligj, brenda afateve të mëposhtme:*

Pra ne kemi vepruar konform kësaj dispozite të LPP-së dhe e kemi dërguar me email.

Përderisa është lënë mundësia të dërgohet me email kërkesa për rishqyrtim, na jep të kuptojmë se kjo ka mundur të bëhet edhe pa attachment dhe pa e përdorur edhe formularin standard të kërkesës për rishqyrtim dhe natyrisht të mos nënshkruhet sepse vetë komunikimi me email-apo komunikimi elektronik është formë zyrtare e komunikimit dhe çdo shkresë duhet të pranohet si e vlefshme nëse bëhet me email.

Si arsyetim i **katërt** është se nuk i kemi bashkangjitur listën e dokumenteve dhe se janë shënuar disa të dhëna dhe data tjera që nuk kanë të bëjnë me këtë aktivitet të prokurimit.

Sa i përket arsyes me nr. 1, 2 dhe 4 të dhëna në vendimin e AK-së, ju sqarojmë se neni 108/A paragrafi 5 i LPP-së shkruan qartë *“Nëse aplikimi nuk përmban disa nga informacionet referuar në paragrafin 4 të këtij neni, autoriteti kontraktues do të kërkojë nga ankuesi që të plotësojë kërkesën e tij Brenda një periudhe jo më të gjatë se dy (2) ditë nga marrja e kërkesës. Nëse parashtruesi i ankesës nuk vepron sipas kërkesës së lartpërmendur, kërkesa për rishikim do të refuzohet si e paplotë.*

Tek të dhënat mbi aktivitetin e prokurimit janë të shënuara të dhënat e sakta, si data e njoftimit për kontratë, letres standarde për tenderues të pasuksesshëm, data e hapjes së ofertave etj. Autoriteti kontraktues në këtë rast ka përdorur ka marrë paarsyesh lëshime teknike, jo esenciale për të na bërë të pavlefshme kërkesën tonë për rishqyrtim.

Pra nëse autoriteti do të konsideronte se nuk është e plotë kërkesa për rishqyrtim, është dashur të veproje menjëherë konform kësaj dispozite të LPP-së, e jo të pres 11 ditë për të nxjerrë vendimin për refuzim të kërkesës për rishqyrtim.

Shtrohet pyetja, pse është parashikuar në paragrafin 5 të nenit 108/A të LPP-së, dispozita në fjalë. Natyrisht kuptohet që është parashikuar sepse operatorët ekonomik mund të gabojnë dhe të sjellin informata apo dokumente jo të plota apo të pamjaftueshme dhe me këtë rast AK-ja obligohet të kërkojë plotësimin e informacionit apo dokumenteve.

Autoriteti kontraktues nuk na ka kërkuar ndonjë dokument shtesë apo ndonjë informacion se na mungon ndonjë element apo ndonjë dëshmi relevante.

Si arsyetim të **pestë** është shënuar se nuk e kemi bashkangjitur kërkesën për qasjen në dokumente. Poashtu edhe ky arsyetim nuk është i bazuar në asnjë bazë ligjore por është shtuar si arsyetim vetëm për të bërë më shumë pika.

AK-ja me dt:03.06.2019 ka bërë pezullimin e aktivitetit të prokurimit, që normalisht e ka pranuar si valide kërkesën për rishqyrtim, sepse edhe në hyrje të vendimit për pezullim shkruan se duke vendosur sipas kërkesës për rishqyrtim.

Kërkesa për rishqyrtim është dashur të shqyrtohet sepse i përmban të gjitha elementet, edhe pse mund të ketë ndonjë lëshim të parëndësishëm teknik, mirëpo autoriteti kontraktues duke e parë të vërtetën se OE i rekomanduar për kontratë është i

papërgjegjshëm ka dashur që me këto arsye të pabaza të na eliminojë neve nga kjo garë.

Përfundimisht autoriteti kontraktues në këtë aktivitet të prokurimit nuk e ka bërë ekzaminimin, vlerësimin dhe krahasimin e tenderëve në harmoni me nenin 59 të LPP-së, njëkohësisht e ka favorizuar operatorin ekonomik të rekomanduar për kontratë në kundërshtim me nenin 7 të LPP-së, duke e shpërblyer me kontratë edhe pse nuk i ka plotësuar të gjitha kërkesat e dosjes së tenderit dhe të njoftimit për kontratë, kurse paragrafi 4 i nenit 59 të LPP-së e parasheh qartë “*Autoriteti kontraktues do të konsiderojë një tender si të përgjegjshëm vetëm nëse tenderi në fjalë është në përputhshmëri me të gjitha kërkesat e parashtruara në njoftimin e kontratës dhe në dosjen e tenderit*”. Ndërsa oferta e këtij operatori ekonomik nuk është në harmoni dhe përputhshmëri me të gjitha kërkesat e dosjes së tenderit dhe të njoftimit për kontratë.

Gjithashtu autoriteti kontraktues nuk e ka marr parasysh edhe kriterin kryesor për dhënie të kontratës, e që ka qenë tenderi i **përgjegjshëm** me çmim më të ulët, ashtu siç e parasheh edhe neni 60.1.1 i LPP-së, sepse si operator ekonomik i përgjegjshëm dhe me çmim më të ulët jemi ne, dhe është dashur të shpallemi fitues të këtij tenderi. Gjithashtu nuk e ka respektuar edhe procedurat e nenit 108/A të LPP-së për të shqyrtuar kërkesën tonë për rishqyrtim.

Duke u bazuar në dëshmitë dhe faktet që u cekën më lartë, kërkojmë nga OSHP-ja, që të merr:

VENDIM

APROVOHET, ankesa e OE "Starlin" si e bazuar, dhe lënda të kthehet në **RIVLERËSIM** dhe gjatë rivlerësimit, ekzaminimi, vlerësimi dhe krahasimi i ofertave të bëhet në harmoni me kërkesat e dosjes së tenderit, njoftimit për kontratë dhe konform dispozitave të LPP-së.

Nëse nuk merren parasysh faktet tona, ne jemi të detyruar të vazhdojmë procedurën ligjore në institucionet tjera kompetente.

9. Dëmet materiale

Përkrahja mënyrën se si shkelja e supozuar i ka shkaktuar ose kërcënohet t'i shkaktojë dëme materiale parashtruesit të ankesës, ne rast se përfshini pretendime për kompensim.

Neve si Operator Ekonomik na janë bërë dëme materiale për përgatitjen dhe dorëzimin e ofertës, në vlerë prej 2,000.00 euro.

10. Lista e dokumenteve (dëshmime) të bashkangjitura

Nëse aplikohet, bashkëngjitni Ankesës dokumentet e renditura më poshtë:

- a) një kopje të publikimit të “Njoftimit për Kontratë” apo “Njoftimit për Konkurs të Projektimit.*
- b) një kopje të publikimit për “Njoftimin e Dhënies së Kontratës” apo “Njoftimin për Rezultatet e Konkursit të Projektimit” apo “Njoftimit për Anulim”.*

- c) një kopje të letrës së eliminimit të tenderuesit/kandidatit/ letrës së tenderuesit të pasuksesshëm/ letrës për mos para-kualifikim.
- d) një kopje të procesverbalit të hapjes publike të tenderëve, nëse aplikohet,
- e) bashkëngjit një kopje të vendimit të miratuar nga AK gjatë kontekstit paraprak të zgjidhjes së mosmarrëveshjeve në përputhje me nenin 108A të LPP-se,
- f) Dëshminë e pagesës së tarifës së ankimit në përputhje me nenin 118 të LPP-se, dhe
- g) të gjitha korrespondencat e juaja me autoritetin kontraktues duke përfshirë e-mailat si dhe çdo informatë të shkruar që ka të bëjë me këtë aktivitet prokurimi, si dhe me secilin pretendim të paraqitur në ankesë.

***Sipas Nenit 111.2 të LPP, Parashtruesi i ankesës, origjinalin e ankesës do t'ia dorëzojë OSHP-së dhe njëkohësisht një kopje do t'ia dërgojë në mënyrën më të shpejtë të mundshme Autoritetit Kontraktues.